

Teño, agora, a honra de presentarlles ao pregoeiro das festas patronais de Villalba e mantenedor desta octava edición do Certamen Literario villalbés: o Profesor Xosé Filgueira Valverde; o home que é síntese da cultura galega.

Investigador, conferenciante, poeta, escritor, Catedrático de Lingua e Literatura xubilado, Director e fundador do Museo de Pontevedra, Membro da Real Academia Galega; un dos primeiros intelectuales galegos.

Da súa laboura quédannos aos galegos máis de douscentos títulos publicados, ~~p=~~ un milleiro de conferencias, milleiros de artigos na prensa...

Con profundísimos coñecementos de arte, historia, de Literatura... é unha das fontes máis limpas onde se pode acudir pra coñecer o xeito de ser, a historia, a vida, de Galicia.

A súa especialidade é a lírica galaico-portuguesa medieval. Fai 47 anos doutorouse cunha tesis sobre a cantiga CIII de Alfonso X El Sabio que precisamente, neste ano de 1.982, foi publicada.

Filgueira Valverde é hoxe o máximo representante da cultura galega, a nivel ~~oficia~~ particular, como pensador, como escritor, como investigadores; e a nivel oficial: como Conselleiro da Cultura da Xunta de Galicia.

Poucas veces se dará tan xusta concordancia entre a realidade i o seu recoñecemento a nivel oficial.

Xosé Filgueira Valverde, Pregoeiro e mantenedor; ben pode ser pregoeiro de festa e de cultura, de tradición e de letras, quen adicou, toda unha longa vida a investigar i esparexer a lingua, a literatura, e a cultura de Galicia. Benvido a Villalba; benvidas as súas verbas de Pregoeiro e Mantenedor.